



Claudii Fleurii Abbatis Historia Ecclesiastica

Ab anno Christi 1691. usque ad annum 1701

Fleury, Claude

August. Vind. [u.a.], 1781

VD18 13322648

§. 74. Humilis revocatio Patris Germani Bescheferi Jesuitæ.

[urn:nbn:de:hbz:466:1-67627](https://nbn-resolving.de/urn:nbn:de:hbz:466:1-67627)

, exemplo erit. Hunc in finem hoc Man- Sæc. XVII,
„datum Archiepiscopale, sic tanquam A.C. 1699.
„mirandum, & incitandum humilitatis
„exemplum, magno cum fructu reim-
„primetur..”

Ita demum caussa Cameracensis Archiepiscopi finita est, sicut autem nulla vexatio ingruit sola, & adversa fortuna uni & semel obesse, raro contenta est, ita non modo Fenelonus ab Aula, Franciæ Clero, suis agnatis, & Facultate Parisiensi tanquam pernicioſſimi libri Author acerbissime habebatur, imo ipsum ejus quoque mandatum velut captiosum minusque sincerum carpebatur, sed etiam omnes ejusdem Amici, eique faventes Regis gratia exciderunt; unde nemo sese Feneloni amicum aut defensorem profiteri audebat, exemplo per sæculum & ultra haud audito in Archiepiscopo generis nobilitate, vitæ innocentia, & eruditionis ubertate longe præstantissimo.

§. LXXIV.

Humilis revocatio Patris Germani Bescheferi.

Hujus celebratissimi Præfulis exemplum Parisiis imitatus videbatur P. Germanus Bescheferus Jesuita. Hic die decima quarta Decembris in di-

Kk 4 spu-

Sæc. XVII. sputatione publica, quam in sui Col.
A. C. 1699. legii Aula tenuit, hanc propugnavit

Thesin: *Unum peccatum saxe est pena
alterius peccati, non tamen per se, sed per
accidens, quatenus nempe obsecratione pu-
nitur, & obduratione, cum Deus prius
desertus peccatorem deserit. Tres sunt de-
sertionis gradus; Primus gratiam ubero-
rem, secundus minorem aliam, tertius vero
omnem omnino excludit, peccata gravia
primo & secundo desertionis gradu in hac
vita puniuntur: nulla autem puniri deser-
tione summa, ita ut Deus opem gratiae om-
nem peccatori subtrahat, magis videtur
opinioni Augustini congruere, & aperta
docet Author libri de vocatione gentium.
Eorum, qui ajunt peccatores nonnullos ita
deseri a Deo, ut ab interiore illius luce
penitus secludantur, & priventur omni
motu; non una est opinio; alii enim errant,
dum afferunt peccatori plane obsecato, &
indurato peccata nihilominus imputari, alii
tolerabilius sentiunt, dum negant.*

Vix absoluta erat disputatio, cum
illico non pauci hac doctrina offensi ad
Noallium Parisiensem Archiepiscopum
graves deferrent querelas: Hic ergo
propositam thesin per suos Theologos
exacte discuti præcepit, ex quorum
judicio usque ad annum sequentem
protracto, ut publicæ offendit ex hac
doctrina obortæ satis fieret, eam Jesuita
retra-

retractare, mentemque suam declarare Sæc. XVII,
jussus est: Igitur Collegii Parisiensis A. C. 1699.
Rectore, & Novitiatus superiore præ-
sentibus Pater Germanus die tertia
Aprilis coram Archiepiscopo palino-
diam cecinit, ac plena submissione se-
quentem obtulit declarationem.

„Delatis ad Illusterrimum ac Reve-
rendissimum Ecclesiæ Principem Ar-
chiepiscopum Parisensem querelis su-
per quadam positione mea de obcæ-
catorum & obduratorum peccatis ex
Thesi, quam die 14. Decembris Anni
1699. propugnavi: hanc mentis meæ
explicationem eidem Illusterrimo Præ-
suli summa, qua par est, animi sub-
missione obtuli, paratus deinceps
quoties occasio tulerit, quam maxima
potero, obsequii mei argumenta pa-
ri cum fiducia, reverentiaque ex-
hibere: ut intelligent omnes, quan-
tum tribuam judicio, atque Autho-
ritati Sapientissimi Antistitis, quem
summo Ecclesiæ bono inter Sacræ
Doctrinæ Custodes atque Interpretes
Divina dispositio constituit..,

„Primum itaque profiteor, nunquam
in ea me sententia fuisse, ut crede-
rem eos, qui vocantur obcæcati, &
obdurati, non peccare amplius, vel
sua illis peccata minime imputari a
Deo: imo me semper tenuisse, &

Kk 5 „nunc

Sæc. XVII. „nunc etiam tenere, ex Scriptura &
A. C. 1699. „Patribus certo constare, quod pec-
 cent, & quod peccata illis imputen-
 tur. Simul agnosco positionem meam
 „ita generalibus verbis conceptam
 „fuisse, ut justam hujus explicationis
 „postulandœ caussam præbuerit. „

„Profiteor insuper, quantumvis mihi
 „persuasum sit, obduratos nequaquam
 „omni carere interiori gratia, quæ ad
 „implenda præcepta sufficiat, haud
 „propterea voluisse me ulla censura no-
 „tare illos, qui nec pauci sunt, nec
 „infimi Nominis, Theologos e Catho-
 „licis, quos contra in opinione æque
 „in Ecclesia permitta versari certum
 „est, neque cum in prædicta positione
 „dixi errare illos, aliud a me intel-
 „lectum esse, quam quod fallantur. „

„Cujus sententiae meæ pariter & si-
 „gularis adversus Illustrissimum ac Re-
 „verendissimum Ecclesiæ Principem
 „observantiæ, ac submissionis, ipso be-
 „nigne assumente perpetuum hoc ex-
 „stare monumentum volui manu mea
 „subscriptum. „

P. Germanus Beschefer.

§. LXXV.